

ترجمة عبد الله بن عمر رضي الله عنهما 2 | فك الوثاق | 12 |

الشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره ونعوذ بالله تعالى من شرور انفسنا وسيئات اعمالنا من يهدي الله تعالى فلا مضل له ومن يضل فلا هادي له واشهد ان لا اله الا الله وحده لا شريك له - [00:00:00](#)

واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدي هدي محمد صلى الله عليه واله وسلم وشر الامور محدثاتها وكل محدثة بدعة وكل بدعة ضلالة - [00:00:29](#)

وكل ضلالة في النار اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد وبارك على محمد وعلى آل محمد كما باركت على ابراهيم وعلى آل ابراهيم - [00:00:52](#)

العالمين انك حميد مجيد فلا زلنا مع حديث النبي صلى الله عليه واله وسلم الذي رواه الامام ابو عبدالله رحمة الله عليه في صحيحه في كتاب الرقاق منه وهو حديث ابن عمر رضي الله عنهما - [00:01:12](#)

ان النبي صلى الله عليه وسلم اخذ بمنكبه ثم قال له كن في الدنيا كأنك غريب او عابر سبيل والامام البخاري رحمه الله يروي هذا الحديث عن شيخه الامام ابي الحسن - [00:01:37](#)

علي ابن عبد الله المعروف بعلي ابن المديني قال حدثنا محمد بن عبدالرحمن ابو المنذر عن سليمان الاعمشي قال حدثنا قال حدثني مجاهد عن ابن عمر رضي الله عنهما وكان ابن عمر يقول - [00:01:58](#)

اذا اصبحت فلا تنتظر المساء واذا امسيت فلا تنتظر الصباح آآ وكنا اخزنا يعني رجال الاسناد راويا راويا تكلمنا عن علي بن المديني وتكلمنا عن محمد بن عبدالرحمن الطوافي ثم - [00:02:24](#)

ثالثا ذكرنا شيئا من ترجمة الاعمش ومجاهد وكنا في اخر مرة اه في ترجمة ابن عمر رضي الله عنهما وذكرنا شيئا لا بأس به من ترجمته واليوم ان شاء الله تعالى اتمم الكلام عن ترجمة هذا الصحابي الجليل - [00:02:47](#)

اه اشتهر ابن عمر رضي الله عنهما بشدة اتباعه للنبي صلى الله عليه واله وسلم وكان ابن عمر رضي الله عنهما احد رؤوس العلماء الكبار في مدينة النبي صلى الله عليه وسلم - [00:03:09](#)

والامام ما لك بنى كثيرا من فتاواه في مذهبه على اه اه اراي عبدالله بن عمر آآ حتى سأله بعض العلماء اه كما اه ذكروا في ترجمته اه يحيى ابن يحيى الليثي - [00:03:31](#)

آآ سألت مالكا فقال له فسمعت المشايخ يقولون من اخذ بقول ابن عمر لم يدع من الاستقصاء شيئا؟ قال نعم يعني اذا اخذ بقول ابن عمر لم يدع شيئا من الاستقصاء يمكن ان يصل اليه الا - [00:03:54](#)

ووصل اليه. طيب لماذا هذا لشيئين الشيء الاول اه لشدة حفاوة ابن عمر بكل قول لرسول الله صلى الله عليه وسلم او فعل او لا ثانيا لطول عمره بعد النبي صلى الله عليه وسلم - [00:04:18](#)

انه ظل ستين سنة بعد النبي صلى الله عليه وسلم تأتية الوفود من كل مكان وفود تأتية لتسأله في شتى آآ مناحي الحياة يبقى انا عندي آآ هو صار خزانة علم - [00:04:47](#)

حصل هذا في زمان النبي عليه الصلاة والسلام. وده احنا هنتكلم عنه بشيء من البسط ثم احتياج الناس اليه مع طول حياته بعد

رسول الله صلى الله عليه واله وسلم - 00:05:06

اما المسألة الاولى وهو انتم لو تفكروا آآ زمان واحنا نتكلم عن الحديث قلنا الراوي له له حالتان حالة تحملها وحالة اداء التحمل

وهو بيسمع العلم ببشحن يعني بيخزن - 00:05:20

يقرأ ويخزن زي طالب العلم طالب العلم في مقتبل حياته بيزاكر كل آآ شيء في العلم الجديد بالنسبة له فهو محتاج انه يقرأ في شتى

فروع المعرفة وفي نفس الوقت الذي يقرأه الان - 00:05:45

لا يحتاجه الناس منه لانه مغمور ما زال يتعلم فاشق فترة على طالب العلم هي الفترة هي الفترة الاولى التي تسمى بفترة الخمول.

الخمول وهو ايه؟ غير معروف دي بتبقى شاقة ليه بيقدح يحفز - 00:06:05

ويكرر الحفز وبعدين يقرأ شروح النصوص التي يحفظها. علشان يفضل يفضل فاكر ولا يزال يتعاهد العلم حتى يحتاج اليه بدأ خلاص

آآ عدى مرحلة الطلب قاعد على الكرسي صار طالب علم - 00:06:23

صار شيخا يبقى دخل في مرحلة الاداء انا الان في مرحلة الاداء ومرحلة التحمل لأ أنا في مرحلة اداء. اداء يعني اؤدي ما عندي اليكم

طيب هذا الاداء مش سبقه تحمل - 00:06:46

تذاكر يعني؟ اه مرحلة التحمل بالنسبة لابن عمر رضي الله عنه بالنسبة لكل الصحابة يعني كانت في زمن النبي صلى الله عليه وسلم

ما كان يدع شيئا يقدر على سماعه من رسول الله صلى الله عليه وسلم الا - 00:07:01

سمعه واذا غاب عن مشهد يسأل من حضر في هذا المشهد ماذا قال رسول الله صلى الله عليه وسلم والمسألة دي اخذها ابن عمر من

ابي. عمر رضي الله عنه - 00:07:22

كما في الصحيحين من حديث عمر نفسه رضي الله عنه وقد رواه عن عمر ابن عباس رضي الله عنهما قال لم ازل حريصا ده اللي

بيقول ابن عباس ابن عباس يقول لم ازل حريصا - 00:07:38

على ان اسأل امير المؤمنين عمرا عن المرأتين اللتين قال الله فيهما ان تتوبا الى الله فقد صغت قلوبكما حتى حج وحججت وعدل

وعدلت عدل يعني ترك الطريق لان عمر ابن الخطاب - 00:07:59

كان في هذا الوقت كان ذاهبا لقضاء حاجته فعدل عن الطريق اللي كانوا ماشيين عليه قال فقضى حاجته ثم جاء وصببت عليه

وضوءه فقلت له يا امير المؤمنين اني منذ سنة - 00:08:19

اريد ان اسألك عن شيء فتصدني هيبتك قال يا ابن اخي سلمي اذا كان عندي علم فسلمني فقال له من المرأتين اللتان قال الله فيهما ان

تتوبا الى الله فقد صغت قلوبكما - 00:08:39

قال وعجبا لك يا ابن عباس انهما عائشة وحفصة ثم استقبل عمر الحديث يسوقه قال كنت اتناوب النزول الى النبي صلى الله عليه

وسلم انا وجار لي من الانصار من بني امية بن زيد - 00:09:00

وكان ينزل يوما وانزل يوما فاذا نزل اي لازم النبي صلى الله عليه وسلم اتاني بخبر ذلك اليوم من وحي او غيره ثم انزل انا سافعل

مثل ذلك وعمر بن الخطاب لانه لا يستطيع ان يلازم النبي صلى الله عليه وسلم ملازمة تامة لان له معاش - 00:09:23

في معاش عنده تجارة عنده ارض عنده اه يعني آآ مهمات اخرى ولا يستطيع ان يلازم النبي عليه الصلاة والسلام فمن حرصه على الا

يفوته شيء من النبي عليه الصلاة والسلام عقد الاتفاقية دي - 00:09:52

مع جاره من الانصار واتفقوا الجار الانصاري ينزل يوم يحفز كل حاجة عمر بن الخطاب يكون في الشغل ثاني يوم يبقى عمر الخطاب

يكون مع النبي عليه الصلاة والسلام والانصار ينزل الشغل - 00:10:09

بتاعه وبالليل يبجي كل واحد حتى يقص عليه اذا كان نزل من القرآن شيء يقول له نزل كذا وكذا النبي عليه الصلاة والسلام قال قولا

يقول له قال كذا وكذا - 00:10:25

اه حصلت خصومة في المجلس بيقول له حصل كذا وكذا وفلان قال كذا وعلان قال كذا والنبي صلى الله عليه وسلم قال كذا يبقى ده

حرص عمر ابن الخطاب مع - 00:10:40

اصل ملازمة عمر للنبي عليه الصلاة والسلام لان كان اكثر حالات عمر ان يلازم النبي عليه الصلاة والسلام كما رواه ابن عمر وقد رواه كثيرون عن ابن عمر حتى يكاد يصل الى درجة التواتر عن ابن عمر. كان يقول - [00:10:56](#)

كان النبي صلى الله عليه وسلم يكثر ان يقول دخلت انا وابو بكر وعمر وخرجت انا وابو بكر وعمر. من شدة ايه؟ من شدة ملازمة عمر ومع ذلك فهذا الفوت - [00:11:15](#)

الذي فات عمر عقد هذه الاتفاقية حتى لا يكاد يفوته شيء عن رسول الله صلى الله عليه وسلم يبقى ابن عمر كان حريصا على ان يكون في مجلس النبي عليه الصلاة والسلام. اذا فاته شيء يقوم ايه - [00:11:33](#)

يسأل من اه حضر هذا المشهد وغابه عنه فكان اذا سمع شيئا من رسول الله صلى الله عليه وسلم استعمله حتى لو لم يكن على سبيل الامر يعني شف في سنن ابي داود - [00:11:50](#)

آأ روى ابو داود من طريق عبدالوارث ابن سعيد عن ايوب عن نافع عن ابن عمر رضي الله عنهما قال قال رسول الله صلى الله عليه وسلم لو تركنا هذا الباب للنساء - [00:12:16](#)

باب في المسجد النبي عليه الصلاة والسلام بيقول يعني لو تركنا المسجد النساء بس ليدخلوا من هذا الباب. ما فيش رجالة يعني يدخلوا منه قال كما دخل منه ابن عمر حتى مات - [00:12:42](#)

النبي صلى الله عليه وسلم بيقول لو تركنا يعني اتمنى ده ما فيش امر اهو اتمنى لو تركنا هذا الباب لا يدخل منه الى المسجد الا النساء يقول نافع فما دخل منه ابن عمر حتى مات - [00:12:59](#)

اهو يعني يعني مسلا دي امنية للنبي عليه الصلاة والسلام انا عايز اي انسان جرب قانون الحب يرى حبيبه يتمنى امنية هو على طول يعتبروها امرا اذا صدقت محبته يعتبروها امرا - [00:13:23](#)

مش مستني بقى لما نستعمل بقى افعل الامر افعل بقى لأ احلامك اوامر ما تشتهييه اوامر هو ده ده قانون الحب بيقول كده اذا صدق يعني لما لما اي انسان يسمع قول النبي صلى الله عليه وسلم - [00:13:47](#)

تناسلوا تكاثروا فاني مباه بكم الامم يوم القيامة لما يكون الانسان يسمع هذا الحديث وما عندوش اي موانع لا هو ولا زوجه ومع ذلك يقول لك ايه عيل كفاية عيلين كفاية - [00:14:13](#)

النبي عليه الصلاة والسلام بيقول اني مباه بكم الامم يوم القيامة يبقى تكفير النسل مطلب شرعي وبعض اهل العلم قالوا ندب النبي صلى الله عليه وسلم الى ذلك اي استحب - [00:14:39](#)

ان تفعل ذلك اذا ما كانش عندك اي مشاكل ما لكش اي موانع ايه بقى اللي يخليك تتوقف في تنفيذ هذا الرجاء النبوي هنا ابن عمر لم يدخل من الباب خالص - [00:14:56](#)

تنفيذا للامنية دي طبعا الامام ابو داود رحمة الله عليه اتكلم في الاسناد ده وانا يعني عايز ايه اه بس يعني كل ما تيجي مناسبة احاول ان ابين لكم شرف علم الحديث - [00:15:11](#)

آآ اللي هيكتب ورايا الان هو اللي هيستفيد مش عايز تكتب يبقى ركز معي ان في اشكالية لما اكون بتكلم في الكلام العلمي الدقيق لو سرحت مني دقيقة واحدة بس - [00:15:30](#)

هيقع منك معنى ممكن المعنى اللي بعده يا ما تفهموش يا تفهمه غلط زي بعض امهاتنا يعني اللي هم النساء الكبار العجائز اتصلت بي وانا آأ بعد حلقة كنت عملتها في - [00:15:48](#)

آأ ذكر بعض الاحاديث الموضوعة وانا باتكلم عن عدالة الرواة وقلت ان آأ في بعض الاحاديث المكذوبة النبي صلى الله عليه وسلم قال ان آأ انهم ينسبون الى النبي صلى الله عليه وسلم يقول من صلى يوم السبت كذا وكذا فله كذا وكذا - [00:16:08](#)

فاتصلت المرأة بتقول طيب يا ابني قل لي اصلي ازا يعني ازا جه يوم السبت اصلي ازا طبعها هي لانها طبعا آأ عجوز كبيرة في السن واحنا بتكلم كلام دقيق فما خدتش بالها فظنت انني احبذ ان يصلي المرء يوم السبت - [00:16:24](#)

كزا وكزا مع ان انا بقول ده حديث مكزوب على النبي عليه الصلاة والسلام فاذا يعني انت انشغلت عني ممكن. يا ما تفهمش اللي

جاية بعديها افهمها غلط وعشان كده ايه يعني انا عايز ابين لك شرف هذا العلم علم الحديث - [00:16:42](#)

وان الدنيا كلها المتون. المتون الكلام كله مبني على علم الحديث انا قلت الاسناد في الاول قلت الاسناد معك معك قلم ورق اكتب على طول انا قلت ان ان ابا داود - [00:16:59](#)

رحمه الله. روى هذا الحديث من طريق عبد الوارث ابن سعيد البصري عن ايوب السخيتاني ايوب ابن ابي تميمة. عن نافع عن ابن عمر ابو داود بقي بعد الاسناد ده مباشرة - [00:17:18](#)

روى الحديث باسناد اخر يا ريت تاخذ بالك منه. انا مش عايز انبهك ايه الفرق بين الاسنادين؟ لكن انت لو كتبت هتتنبه للفرق روى ابو داود هذا الاسناد من طريق اسماعيل ابن علية - [00:17:42](#)

عن ايوب السخيتاني عن نافع خلي بالك يبقى الاسناد لسه لحد دلوقتي زي بعضه انا قلت عبدالوارس ايوب نافع عبدالوارس تحت اسماعيل ابن علية بيروي عن ايوب عن نافع لحد دلوقتي ايه متفقين - [00:18:01](#)

عبدالوارث قال نافع عن ابن عمر ان النبي صلى الله عليه وسلم اسماعيل ابن علي بقي قال ايوب عن نافع قال قال عمر بن الخطاب رضي الله عنه لو تركنا هذا الباب - [00:18:27](#)

للنساء فلم يدخل منه ابن عمر حتى مات ايه اللي حصل بقي اللي حصل ان نافع بدل ما قال قال ابن عمر قال رسول الله صلى الله عليه وسلم قال قال عمر - [00:18:43](#)

لو تركنا هذا الباب للنساء يبقى حصل بقي المخالفة في موضعين الموضع الاولاني ان عبد الوارث ابن سعيد الحديث عن ابن عمر عن النبي صلى الله عليه وسلم. ده يبقى ده اسناد متصل - [00:19:02](#)

متصل انما اسماعيل ابن علية جعل الاسناد منقطعا لان نافع لم يدرك عمر بن الخطاب نافع ده مولى ابن عمر ولم يدرك عمر بن الخطاب. يبقى الاسناد ايه منقطع ما بين نافع - [00:19:20](#)

وما بين عمر دي اول مخالفة ثاني مخالفة انه جعل الكلام لعمر. يبقى موقوف. فاكربن الكلام ولا انا بحاول يعني اذكركم ببعض ما قلناه قبل ذلك انما يبقى عندنا مين اللي خالف مين؟ عبدالوارث ابن سعيد - [00:19:40](#)

خالف اسماعيل ابن علي هم الاثنين خالفوا بعض عبدالوارث وصل الاسناد اسماعيل جعله منقطعا ما بين نافع وعمر عبدالوارث رفع الحديث الى النبي صلى الله عليه وسلم اسماعيل ابن علية جعل الكلام عن عمر موقوفا عن عمر مش عن النبي صلى الله عليه وسلم. يبقى دي اصبح فيه مخالفتين - [00:20:01](#)

الكلام بقي ايهما اصح لان هتفرق كثير كثير انت عارف تفرق ازاى يعني ان كلام النبي صلى الله عليه وسلم انما تقوم الحجة به بخلاف غيره يعني فيه العلماء ممكن يخالف قول عمر - [00:20:32](#)

ما ياخدش به ليه لوجود معارض ارجح لكن كلام النبي عليه الصلاة والسلام تقوم الحجة به. ما فيش حد بيتحط قبال النبي ابداء خالص قال سفيان بن عيينة رحمه الله - [00:20:59](#)

ان رسول الله صلى الله عليه وسلم هو الميزان الاكبر الذي عليه توزن الاقوى على كلامه توزن الاقوال والافعال النبي عليه الصلاة والسلام قال قولوا واحد قال كلام ضد كلام النبي ما ينفعش ابداء - [00:21:17](#)

انك تسويهم ببعض فضلا عن انك انت ترد كلام النبي. دي جناية ما بعدها جناية. انا باقول لك ما ينفعش يبقى الاثنين زي بعض ابداء خط حد قبال النبي خالص - [00:21:35](#)

فضلا عن ان يبجي واحد يقول كلام يلغي كلام النبي. هذه جناية عظيمة. يدفع الانسان تمنها غالي. تمنها ده نار تمنها نار يبقى انا عندي انا عايز اسبت دلوقتي اي القولين اصح؟ - [00:21:50](#)

ابو داود السجستاني الامام طبعه الذي روى هذا قال لك رواية اسماعيل ابن علي اصح يعني المنقطعة يعني الموقوف على عمر اصح من رواية عبدالوارث اللي هي الموصولة المرفوعة الى النبي - [00:22:11](#)

صلى الله عليه وسلم انا عايز اعمل شغل حديثي دلوقتي انا انا يعني انا خايف اكون عمال اتكلم في الهوا يعني ما يكونوش يعني

مركزين معي مسلا او يكون في بعض اللي قاعدين متضجر انا حفوت بسرعة. يعني مش مش هطول في المسألة دي - [00:22:32](#)
فانا عايز بقى اللي زهقان شوية كده يتصبر بس دقيقتين وههدي لان احنا جايز يقابلنا برضه بحس حديثي بحاول ان انا اقوله واكرره
ان علم الاصول مش بتاع مرة وخلص - [00:22:50](#)

ده علم الاصول تفضل كل ما يبجي موضع تقول وتقول وتقول اهي امثلة كل ما يبجي مثل وراء مثل وراه مثل وتكثر الامثلة يحصل
تصور صحيح للقاعدة انا عندي مين خالف مين - [00:23:05](#)

معلش هكرر ثاني عبد الوارث ابن سعيد خالف اسماعيل ابن علي عبدالوارس وصل الحديث بذكر ابن عمر ورفعته الى النبي صلى الله
عليه وسلم علي ابن علي قطع الاسناد اذا جاء للرسالة عفوا جعل آآ جعل الانسان منقطعا ما بين نافع وعمر وجعله موقوفا على عمر
من كلام عمر وليس من كلام النبي عليه الصلاة والسلام - [00:23:21](#)

طيب ابو داوود السجستاني لما قال لك لأ الاسناد بتاع اسماعيل ابن علي ارجح بنى الكلام ده على ايه؟ على اي اساس بنى الكلام ده
على التفاوت عنده الحفظ ما بين عبدالوارث بن سعيد وابن علي - [00:23:51](#)

يبقى هو بيرجح مين بيرجح رواية ابن علي طيب حل المسألة دي ايه؟ في علم الحديث. قال لك ارجع الى تراجم الرجلين افتح كتاب
تهذيب الكمال في اسماء الرجال هات ترجمة عبدالوارث ابن سعيد في حرف العين يعني - [00:24:08](#)

ها وهات ترجمة اسماعيلي ابن ابراهيم ابن مقسم الاسدي المعروف بابن علي واقرا تراجم العالمين دول وشف العلماء قالوا ايه فيهم
لما تقرأ تراجم العلماء تلاقي عبدالوارث ابن سعيد واسماعيل ابن عنيا كفرنسي رهان - [00:24:29](#)

هم اللاتنين زي بعض في الحفظ هم اللاتنين زي بعض في الحفظ. بل ان يحيى ابن معين رجح عبد الوارث على اسماعيل ابن علي في
حديث ايوب السخيتاني خاصة طب مش هم اللاتنين بيرووا الحديث عن ايوب - [00:24:50](#)

يعني على رأي ابن معين عبدالوارث ابن سعيد اتقنوا لحديث ايوب من اسماعيل ابن علي لحديث ايوب يبقى انا لو على كلام ابن
العين عايز ارجح ارجح كلام مين؟ عبدالوارس طبعا - [00:25:06](#)

سائر العلماء لما ذكروا اثبت اهل البصرة قالوا اسماعيل ابن علي وعبد الوارث. الله! طب انا ليه رجحت اسماعيل ابن علي ده وجه نظر
لابي داوود السجستاني انه انه يرى ان اسماعيل ابن علي ارجح من عبدالوالي. لكن بالنظر الى تراجم العلماء بنلاقيهم اللاتنين ايه؟
كفرنسي رهان - [00:25:20](#)

يبقى ما فيش مانع ما فيش مانع ان يروى الحديث مرة موصولا وان يروى مرة منقطعا. ما فيش مانع يبقى الرواية الرواية المنقطعة
دي الصحيحة انها لا تغل الرواية المتصلة. يبقى الكلام الاولاني بتاع عبدالوارس صح - [00:25:42](#)

يدل على ذلك كمان يعني مما يرجح الرواية المرفوعة الى النبي عليه الصلاة والسلام لو تركنا هذا الباب للنساء ده من كلام النبي صلى
الله عليه وسلم يرجح انه من كلام النبي عليه الصلاة والسلام ان ابن سعد روى في كتاب الطبقات الكبرى - [00:25:58](#)

اه عن شيخه ابي الوليد الطيالسي اسمه هشام بن عبدالملك عن ابي عوانة عن ابي بشر جعفر ابن ابي وحشية عن يوسف بن ماهك
عن ابن عمر رضي الله عنهما ان النبي صلى الله عليه وسلم قال لو تركنا هذا الباب للنساء ده اسناد بعيد خالص اسناد ثاني -

[00:26:15](#)

وهذا اسناد صحيح على شرط الشيخين الحاج يوسف بن ماهك لكن ما اقدرش اقول على شرط الشيخين الى ابن عمر. ليه؟ لان
يوسف ماهك لم يروي عن ابن عمر في الصحيحين انما روى له النسائي فقط من دون الستر. بس هو اسناد صحيح على اي حال. يبقى

انا عندي اسناد صحيح - [00:26:42](#)

جديد خالص بعيد خالص عن رواية نافع عن ابن عمر اه ده بحث حديث. مين اللي فصل في القصة دي كلها؟ علم الحديث فكل

المتون التي وردت الينا اساس تثبيتها - [00:27:01](#)

او تزني فيها هو علم الحديث لان في بعض الناس كان في شهر رمضان وكان يبجي له برنامج بعد الفطار مباشرة في اذاعة القرآن
الكريم. لما اتكلم عن مدرسة الحديث - [00:27:20](#)

اللي هي تمثل النص ومدرسة المعتزلة التي تمثل العقل قال لك ان مدرسة الحديث مع احترامنا الشديد يعني لمدرسة الحديده لكنها مدرسة متفوقة على نفسها متفوقة على النص لم تفد الاسلام الفائدة الكبيرة التي افادها المعتزلة الذين اعمالوا عقولهم. طبعاً ده كلام واحد اولاً متحيز - [00:27:35](#)

المعتزلة آ وكلام واحد مش دارس مدرسة الحديث اصلاً ان الذي يدرس مدرسة الحديث يستحيل يقول هذا الكلام الدنيا كلها مبنية على مدرسة الحديث وعلم اصول الفقه اساساً شطر كبير منه بحس السنة كله مبني على علم الحديث - [00:28:02](#)
كله فاحنا عندنا دايماً بنقول حاجتين كده تثبت الدليل تثبت الدلالة قبل ما تفكر تقرا المتن وتفهم الكلام ده هيوصلنا لفين. بص الاول هل هذا الكلام ثبت عن قائله سواء كان النبي عليه الصلاة والسلام او عن الصحابي او عن التابعي او عن اي عالم هل ثبت - [00:28:22](#)
عن واحد من هؤلاء المتكلمين ام لا؟ اذا ثبت نشتغل نتعب نفسنا بقى ونشوف الدلالة رايحة فين والكلام ده. بس علم الحديث في الاول. يبقى الذي فصل في هذا النزاع - [00:28:45](#)

الكلام ده من كلام النبي صلى الله عليه وسلم. ولا من كلام عمر وانا قلت لكم تفرق كثير بتفرق كثير زي ما قلت في الاول. الذي فصل في هذا علم الحديث وهو النظر في طبقات الرواة. الشاهد ان عبدالله بن عمر - [00:28:58](#)
رضي الله عنهما لما سمع لو على سبيل التمني جعلها امراً ولم يدخل من هذا الايه؟ الباب حتى مات اه يبقى انا عندي رأس مال ابن عمر عنده رأس مال وهو كل ما سمعه وحصله من رسول الله صلى الله عليه وسلم - [00:29:14](#)
وكان حريصاً جداً على ان يترجم كل ما يفعل وما يرى يعني مبن الغرائب ان ابن عمر آ رضي الله آ عنهما وهو بيطوف في المناسك اه ضرب ناقته لتأخذ يمينا - [00:29:34](#)

فسئل نافع عن ذلك فقال انه رأى النبي صلى الله عليه وسلم يأخذ يمينا زيه بالزبط ماشي مع نافع في سفر في الصحراء فاناخ ابن عمر راحته ونزل في قبو كده تحت الارض - [00:30:02](#)
الجماعة اللي مع نافع بيقلولوا له هو آ رايح يصلي قال لهم لا انه رأى النبي صلى الله عليه وسلم يقضي حاجته في هذا المكان فهو يحب ان يقضي حاجته في هذا المكان - [00:30:27](#)
شدة اتباعه ابوه عمر رضي الله عنه كان على خلافه في المسألة دي لما رأى عمر جماعة من التابعين فيصلون او يتقذفون يتدافعون يعني تحت شجرة قال ما لهم ما بالهم قالوا - [00:30:45](#)
علموا ان النبي صلى الله عليه وسلم صلى في هذا المكان تحت هذه الشجرة وهم يحبون ان يصلوا في هذا المكان. ففرقهم عمر بدرته المشهورة. العصاية بتاعته يعني وقال انما اهلك الذين كانوا من قبلكم - [00:31:09](#)
تتبعهم اثار انبيائهم عمر اخذ بالعزيمة كان كان يعني امير المؤمنين واذا رأى ان ده ممكن يكون مبعثاً للغلو فيجب عليه ان يقطع ان يسد الذريع وان يحسم المادة انما ابن عمر - [00:31:27](#)

كان محباً وهناك فرق بين الذين اتوا بعد الصحابة مع جلاتهم يعني وبين الذين عاينوا النبي صلى الله عليه وسلم يعني في الركعتين بعد العصر كان عمر يضرب على الركعتين بعد العصر. حتى كان بيضرب بعض الصحابة - [00:31:51](#)
لما يشوفه بيصلي بعد العصر كان يضربه. ليه؟ لان النبي عليه الصلاة والسلام آ قال لا تصلوا بعد العصر الى ان تغرب الشمس اي صلاة كانت ممنوعة ابن عمر ابن الخطاب كان يضرب عليها وده مذهب الشافعي - [00:32:11](#)

ان اي تطوع في وقت النهي لا يجوز على خلاف غيره ممن يجعل ايه؟ الصلاة المسببة صلاة النفل المسببة تجوز في اوقات النهي آ بحث بين الفقهاء في هذه المسألة. لكن عمر بن الخطاب كان اذا رأى صحابياً حتى لو كان صحابياً. يصلي - [00:32:27](#)
كان يضربه فبعض الصحابة كانوا يقولون والله لا ندع لا ندعوا هاتين الركعتين وقد رأينا رسول الله صلى الله عليه وسلم يصليهما وكان يصلي ومع ذلك كان ايه عمر ينهى وده كان يصلي. ايه اللي خلاه يصلي؟ انه رأى - [00:32:46](#)
النبي عليه الصلاة والسلام يفعل ذلك ولا صارف عند هذا الصحابي لهذا الفعل. فعل النبي عليه الصلاة والسلام آ آ عمر بن الخطاب اخذ كما قلت بحزب المبدأ ابن عمر لانه محب - [00:33:05](#)

وامن على نفسه ان ينحرف ان يحمله هذا الحب على الغلو الداعي الى الابتداع ما كنش ابن عمر بيعمل حاجة زي كده فلما يكون وصل به التحري يعني ان هو ينزل في هذا المكان الذي رأى النبي صلى الله عليه وسلم يقضي فيه حاجته فهو يقضي حاجته في هذا المكان - [00:33:19](#)

كان عندي في زمان التحمل ابن عمر عنده رأس مال كبير رأس المال ده استخدمه ابن عمر بعد النبي صلى الله عليه وسلم اه لمدة ستين سنة لان ابن عمر مات - [00:33:40](#)

اه سنه سبعة وثمانين سنة سنه آآ عفوا مات سنه ثمانية وسبعين سنة سنه ثمانية وسبعين سنة كما قال مالك وهو ارجح الاقوال في وفاة في سن ابن عمر رضي الله عنهما لما لما مات - [00:33:55](#)

آآ ومع ذلك ومع انه شوف الوفود تأتي اليه وعنده علم فلا يكتمه يقول مجاهد مجاهد بن جبر صحبت ابن عمر الى المدينة فما سمعته حدث الا حديثا واحدا ما كانوا يتحدثون الا اذا ايه - [00:34:14](#)

كان هناك حاجة الى الكلام طول ما في حاجة الى الكلام هتستوعب. لكن قاعد ليل نهار يتكلم يتكلم كثرة الكلام ينسي بعضه بعضا وكمان لما جاءه رجل يستفتيه في مسألة من مسائل الطلاق - [00:34:39](#)

فقال لا ادري الرجل حاول يستحبه يعني على ان هو يفتي يعني يضبط عليه. ان هو يفتي فقال اتريدون ان تجعلوا ظهورنا جسورا الى جهنم لا ادري خلاص افلح من انتهى الى ما سمع - [00:34:58](#)

وده برضه هذا الخلق خلق لا ادري انتهجه مالك رحمه الله لما عرضت عليه ست وثلاثون مسألة ستة ست وثلاثون فتوى مطلوب من ما لك ان يجيب فقال في ثلاثين منها لا ادري - [00:35:17](#)

فقال له رجل يا ابا عبد الله مثلك لا يدري ثلاثين مسألة من ستة وثلاثين تقول لا ادري ازاى وانت الامام ما لك؟ صاحب المذهب قال نعم لا ادري واخبر من ورائك اني لا ادري ايه اللي يعيبيني يعني - [00:35:41](#)

انني لا ادري قد افلح من انتهى الى ما سمع دي لن تزول قدم عبد تلبس بها الا ويسأل عنها لا سيما اذا كانت مدخلة حقوق في بعضها. نقل من حق رجل الى اخر - [00:36:06](#)

او انسان طلق امرأته فقام مرجع الست لما رجعتها لزوجي رجعتها ازاى يعني؟ لا يغرنك بكاء المرأة ولا الكلام ده بكل اسف زي ما حدث من عدة اشهر يعني وجماعة جم لي في مسألة طلاق. اخر طلاقة في الحيض انا لا افتي يعني في الطلاقة الثالثة عموما يعني -

[00:36:26](#)

فقلت لهم خلاص روحوا لاجل فتوى او احالتهم على بعض المشايخ الذين اثقوا في يعني رأيهم في المسألة دي فذهبوا خدوا بعضهم وراحوا للجنة الفتوى. وبعدين رجعوا لي بقى علشان يقولوا لي ما الذي جرى. اول ما دخلوا قابلوا واحد من الجلوس من المشايخ -

[00:36:52](#)

يعني كان يفتي بان الطلاق يقع في الحيض والرجل عايز يطلق والست اللي ماسكة ايه الرجل يعني الست هي اللي بتدور. الراجل اذا كان عليه واصلا طلق وقال انا كده استرحت ودماعي استراح. الست بقى اللي عايزة ايه؟ عايزة ترجع لزوجها يعني - [00:37:11](#)

قالوا طلق في الحيض قال لها الطلاق في الحيض واقع فبكت المرأة وقالت له ارجوك اسمعني اديني فرصة اتكلم مش عارف ايه وهو قاعد تعيط طول الفتوى والكلام ده صعب عليه - [00:37:32](#)

المرأة صعبت على المفتي قال لها على اي حال في رأي لابن تيمية بيقول ان الطلاق في الحيض لا يقع. ممكن تاخده بالرأي ده هذا لا يقوله احد من اهل العلم قط - [00:37:46](#)

ده اسمه بقى تتبع رخص المذاهب الذي نقل ابن عبد البر الاجماع على حرمة انه لا يحل لاحد ان يلتقط الاقوال المواتية له من المذاهب هو ده لو كان رأيه الحقيقي لو كان رأيه - [00:37:58](#)

ان اه اه الطلاق في الحيض لا يقع وصل اليه بدراسة واجتهاد لا جناح عليه ان ان يفتي به حتى لو خالف رأي الجمهور اذا كان هو له اهلية ووصل الى هذا باقتناع لا جناح عليه. لكن يكون رأيه الحقيقي ان الطلاق في الحيض يقع ثم اذا رق قلبه للمرأة - [00:38:17](#)

وبسبب بكائها والكلام دوت يقوم ينقل على مذهب ثاني هو لا يعتقدده ده اللي حرام ده اللي بقى اللي ابن عمر قال اتريدون ان تجعلوا
 آآ يعني ظهورنا جسورا الى جهنم - [00:38:38](#)

ولذلك آآ يقول اه محمد ابن عجلان. محمد ابن عجلان ده اه احد مشايخ ما لك يقول من ترك لا ادري اصيبت مقاتله اذا العالم ما كانش
 عنده خلق لا ادري هيروح في داهية - [00:38:49](#)

اصيبت مقاتله ليه الانت ما نتاش علامة زمانك يعني؟ كل مسألة هتعرض عليك لابد ان يكون هناك جواب حاضر. لأ ايه المانع لما تسأل
 سؤال؟ قل حزاكر. قل هراجع ما الذي يمنعك - [00:39:11](#)

لماذا تستنكف هو معنى النواب انك طلعت في الفضائيات ان لازم تجاوب على كل حاجة مكسوف بقى يزهر قدام الناس ان هو لا
 يدري. ويقعد يلف ويدور وفاكر ان المستمعين اغبياء ولا ما بي فهموش - [00:39:27](#)

ويعيد السؤال ويقعد يروح بعيد ويجي لأ قل لا ادري انا هدور على المسألة دي انا سابحت عنها وتيجي بعد كده تقول يا جماعة انا
 ولم يؤدي بحثي الى شيء. اسألوا واحد ثاني. ايه اللي يضرك في المسألة دي - [00:39:41](#)

ابن عمر مع جلالة منصبه وكثرة ملازمته لرسول الله صلى الله عليه واله وسلم الا انه قال لا ادري كانت هناك سمة اخرى تميز ابن عمر
 وهي كثرة بكائه اذا ذكر النبي صلى الله عليه وسلم - [00:39:56](#)

آآ في كتاب الزهد الكبير للامام ابي بكر البيهقي رحمه الله بسند صحيح عن عمر ابن محمد ابن زيد ابن عبد الله ابن عمر قال سمعت
 ابي اللي هو محمد بن زيد - [00:40:24](#)

آآ يقول ما ما آآ ذكر ابن عمر رسول الله صلى الله عليه واله وسلم الا بكى ولا مر على ربهم الا غمض عينيه اه السر في المسألة دي ايه
 - [00:40:42](#)

السر في هذه المسألة هو الحب انا بتكلم عن الحب كثيرا ان الحقيقة الحب هو حل كل مشاكلنا منحرفت قدم رجل عن الصراط الا
 كان وقت الانحراف غير محب انا لن اجرده من هذا الشرف - [00:41:05](#)

من شرف المحبة انه اذا خالف مرة ولا اثنين ولا ثلاثة ولا مش عارف ايه يقول ده ليس بمحب لأ خرينا منصف منصفين لأ في وقت
 انحرافه لم يكن محبا - [00:41:36](#)

واي انسان يخالف يخالف امرا يبقى لا يعظم الامر وحتى في وقت في وقت الانحراف كما قال صلى الله عليه وسلم لا يزني الزاني
 حين يزني وهو مؤمن ولا يشرب الخمر حين يشربها - [00:41:49](#)

وهو مؤمن ولا يسرق حين يسرق وهو مؤمن هذا ليس تجريدا آآ لهذا الفاعل من الايمان لا لكنه جرده من الايمان حال الفعل فقط لا
 يزني الزاني حين يزني وهو مؤمن اي لا يكون مؤمنا مستحضرا لايمانه حال الفعل اذ لو كان - [00:42:13](#)

مستحضرا لايمانه لحجزه الايمان عن الفعل طالما انه تجرأ وخطأ هذه الخطوة لم يكن معه ايمان مانع كذلك نقول منحرف منحرف
 عن الاتباع الا بسبب انه فقد الحب حال الانحراف - [00:42:42](#)

والا الحب من مميزات الحب انه يحدث سخونة دائمة في القلب قلبك ما يبردش ابدًا. يفضل سخن باستمرار اذا ذكرت في اي وقت
 بكيت وهذه العين لا يمكن تبكي الا اذا قرح القلب - [00:43:07](#)

ده كلام الفضائلي بن عياط رحمه الله لما قال آآ وسئل سأله اظن ابنه علي قال يا ابي ما بالك اذا وعظت الناس بكوا واذا وعظهم
 غيرك لم يظهر هذا منهم - [00:43:32](#)

قال يا بني ليست النائحة الثكلى المستأجرة واحدة مات زوجها وكان هذا الرجل على قبة قلبها او طلقها ولم تكن تريد ذلك طلقها لأ
 الثكلى التي مات زوجها خلاص او مات ابنها - [00:44:01](#)

اللي هو برضه على قبة قلبها. اي واحدة على قبة قلبها مات لما بتبكي هذا الميت بتبكيه من اعماق قلبها بتبكي بجد ما بيتسلسل
 يعني شف المرأة كان لها ابن - [00:44:31](#)

مات الولد تالت بيت شعر بس الحقيقة فيه يعني المعنى ده كله قالت له ايه من شاء بعدك فليمت فعليك كنت احاذر. انا كنت خايف

عليك انت وده اللي كان رعبني - 00:44:52

وقلبي كان بيرفرق اول ما افكر ان انت هتموت وتفارقني ولا اري محيا وجهك هل ده اللي كنت خايف انما بعد ما انت مت اللعبة
اللي هيموت يموت ما عادتتش تفرق معي. خلاص - 00:45:10

ليس هناك حبيب بعدك من شاء بعدك فليمت فعليك كنت احاذر يبقى النائحة الثكلى اللي هي بتبكي من قلبها ليست كالمستأجرة
مستأجرة نجيب واحدة تعالي عيطي لنا شوية وادي لها قرشين - 00:45:26

وكل ما يدي لها يولول اهو كله بحسابه اي واحدة لما تبكي كده تمسل يعني بيبقى باين للعيان الفرق بين الاثنين. فبقول له يا ابني انا
اذا وعظت انما اعظ من قلبي - 00:45:47

لما اعظ من قلبي يصل هذا الكلام المغلف بحرارة القلب مباشرة الى القلب وبعدين قال الجملة الجميلة بقى اللي انا لي محل الشاهد
يعني اذا قرح القلب ناديت له العينان - 00:46:04

يبقى ده بيبكي على طول لما يسمع الموعظة. ده ما بيبكيش الفرق بينهم ان الذي بكى قلبه مقروح مجروح سخن على طول والذي لا
يبكي قلبه بارد والدمع ده علامة - 00:46:29

هذه السخونة يعرف قلبه سخن ولا لأ بدموع دموعه ترجمة ارسلت دمعي للحبيب هدية ونصيب قلبي من هواه قال اجتهد فيما يليق
بقدرنا قلت التند جهد المقل دموعه انا ما عنديش حاجة اقدر اقدمها - 00:46:48

يا برهان لمحبتني الا هذا الدمع الا هذا الدمع. قال اجتهد فيما يليق بقدرنا قلت التند على مهلك اربع علي لا تتجنى علي. انا ما عيبش
حاجة اقدمها صحيح لكن جهد المقل دموعه. مش قادر اقدم لك حاجة الا الدمع اللي هو يعبر عن حرارة الحب - 00:47:18

فلما كان ابن عمر رضي الله عنهما يذكر النبي عليه الصلاة والسلام كان يبكي والله يا اخوانا اشد الناس مصيبة هم اصحاب النبي صلى
الله عليه وسلم الذي الذين رأوا هذا النور هذا البشر - 00:47:45

يمشي بقدامين على الارض ثم دفنوه بايديهم دي مسألة انا يعني كل ما اذكراها انا يعني يعني آآ مش قادر اتصور كيف صبروا كيف
صبروا يدفن النبي فرن الحفرة يدفنه - 00:48:06

ويهيل عليه التراب عشان كده فاطمة رضي الله عنها لما لقيت انس بن مالك رضي الله عنه بعد ما دفنه النبي صلى الله عليه وسلم
ورجعوا قالت يا انس اطابت انفسكم - 00:48:28

ان تحثوا التراب على رسول الله صلى الله عليه وسلم جا لك قلب حط التراب عليه تردم عليه شوف انس بيقول ايه بول ما نفضنا
ايدينا من غبار قبره حتى انكرنا انفسنا - 00:48:42

طب ايه اللي عملناه ده ازاي انا دفنته؟ ازاي انا اهلت التراب عليه لما لما يكون واحد عايش مع النبي صلى الله عليه وسلم يصبح
الصبح عليه عارف انه هيشوفه - 00:49:00

وهيكلمه واذا اصابته مصيبة يفزع اليه في الملمات وفجأة فقد هذا الضوء عشان كده الصحابة دول احد علامات تزكيتهم على كل من
جاء بعدهم صبرهم على دفن النبي صلى الله عليه وسلم - 00:49:12

لان النبي عليه الصلاة والسلام قال اشد الناس بلاء الانبياء ثم الصالحون ثم الامثل فالامثل بيتلى المرء على قدر دينه ما فيش بلاء اكتر
من كده. النبي عليه الصلاة والسلام - 00:49:37

قال من اصيب بمصيبة ايوة ان جلت وان عظمت فليذكر مصيبتته بي فانها اعظم المصائب ما يعرفش يترجم الحديث ده الى واقع الا
صادق المحبة زي ما احنا عارفين النبي صلى الله عليه وسلم مات - 00:49:56

لما تصاب بمصيبة فتذكر مصيبتك بموت النبي صلى الله عليه وسلم فتخف عليك مصيبتك اعلم ان حبك صادق. فدي علامة حب
كافة المصيبة بتاعتك الحالة اللي انت بتتجرعها الان اذا ذكرت موت النبي صلى الله عليه وسلم خفت عليك المصيبة اعلم ان حبك

صحيح - 00:50:21

لذلك لما لما كان يذكر النبي صلى الله عليه وسلم كان يبكي ولا يمر على ربهم الا غمض عينيه. يمر على المكان ده كان النبي صلى الله

عليه وسلم قاعد فيه - [00:50:49](#)

او هو لقي النبي صلى الله عليه وسلم فيه فيقوم يغمض عينه او يودي وشه الناحية الثانية ليه الذكرى الذكرى تطارده فما يقدرش يفتح عينيه. ليه؟ تهيج عليه المعاني وطبعا ده كله هذا كله عبارة او ترجمة صحيحة للمحبة - [00:51:01](#)

الانسان المقرح القلب آآ كما قلت آآ تترجم عيناه هذه هذا هذا هذا التفرح كان ابن عمر كثير البكاء يسمع الاية يبكي لها اه في مجلس وعظ والذي كان يعظ - [00:51:24](#)

هو عبيد بن عمير احد التابعين مش صحاب. ابوه اللي صحابي عمير هو ده اللي صحابي. انما هو كان تابعيا وكان ذا لسان كان آآ منطلقا فكان اه عبيد بن عمير له مجلس وعظ - [00:51:51](#)

ولم يكن يتصدر للوعظ انذاك الا اهل العلم بعض اهل العلم عليه نور بخلاف اللي عمال يصرخ يعني ممكن واحد عمال يصرخ على اخره ويتنطط على المنبر ولا على الكرسي والكلام ده. تلاقي ناس بعيطوا. ساعات يعيطوا من الصداق - [00:52:14](#)
ما بيعيطش من الموعظة. كتر الصراخ لا الموعظة وعظ اهل العلم مختلف خالص ما كانش قاعد قديما الا اهل العلم زي عبيد بن عمير كان يتلو الاية اية واحدة زي ما في هذا الخبر - [00:52:37](#)

يقول آآ والخبر ده رواه ابو العباس السراج في تاريخه آآ بسند جيد عن نافع قال كان ابن عمر اذا قرأ هذه الاية الم يأن لأ اجيب الاول مجلس عبيد ابن عمير وهذا هذه الرواية في طبقات - [00:52:58](#)

ابن سعد اه كان اه ابن عبيد ابن عمير يعظ فقرأ قوله تبارك وتعالى فكيف اذا جننا من كل امة بشهيد وجننا بك على هؤلاء شهيدا فبكى عبدالله ابن عمر حتى اختلت لحيته - [00:53:18](#)

بقت لحيته دي بتنزل بتنزل مية شربت الدموع والدمع بيتساقط من لحيته. حتى قالوا لعبيد ابن عمير كف فقد ازعجت الشيخ شدتي بكاء عبد الله بن عمر ولا غرو فقد بكى رسول الله صلى الله عليه وسلم عندما قرأ ابن مسعود رضي الله عنه عليه هذه الاية -

[00:53:38](#)

لما قال له اقرأ علي القرآن قال يا رسول الله اقرأ عليك وعليك نزل قال اني احب ان اسمعه من غيري فقرأ عليه من النساء حتى وصل الى هذه الاية - [00:54:05](#)

فكيف اذا جننا من كل امة بشهيد وجننا بك على هؤلاء شهيدا قال حسبك هيكف عن القراءة قال ابن مسعود فالتفت اليه فاذا عيناه تذرفان اي اذا النبي صلى الله عليه وسلم يبكي - [00:54:26](#)

وفي تاريخ ابي العباس السراج سند جيد عن نافع كان ابن عمر اذا مر على هذه الاية الم يأن للذين امنوا ان تخشع قلوبهم لذكر الله وما نزل من الحق - [00:54:49](#)

كان كان يبكي ويغلبه البكاء والبكاء عند سماع آيات القرآن مطلوب شرعا شرعا وقد ذكر هذا في غير ما اية من كتاب الله عز وجل. واثنى الله عز وجل على الذين يسمعون آياته - [00:55:06](#)

فيجاوبون آياته بدمع العين آآ وذكر ابو نعيم في كتاب الحلية عن نافع قال كان ابن عمر اذا فاتته صلاة العشاء في الجماعة احيا بقية ليله اذا فاتته صلاة العشاء في الجماعة - [00:55:28](#)

احيا بقية ليله. ليه عندنا حديث رواه النبي رواه مسلم في صحيحه من حديث عثمان بن عفان رضي الله عنه ان النبي صلى الله عليه وسلم قال من صلى العشاء في جماعة - [00:56:01](#)

فكأنما قام نصف الليل ومن صلى الفجر في جماعة فكأنما قام الليل كله شف الجماعة بقى اللي ما يبصلوش اساسا العشاء في جماعة نصلي العشاء في جماعة كأنما قام نصف الليل - [00:56:26](#)

فابن عمر كان اذا فاتته صلاة العشاء في جماعة يحيي الليل كله رجاء ان يدرك اجر صلاة العشاء في جماعة في لفظ لحديث عثمان عن النبي صلى الله عليه وسلم من صلى العشاء في جماعة - [00:56:55](#)

فكأنما قام نصف الليل ومن صلى العشاء والفجر في جماعة فكأنما قام الليل كله. ايه الفرق بين بين المثنين اتفقوا في الشطر الاول

وهو ايه؟ صلاة العشاء الحديث الاول من صلى العشاء في جماعة فكأنما قام نصف الليل. الثاني من صلى العشاء في جماعة فكأنما قام نصف الليل - [00:57:21](#)

الشرط الثاني في اللفظ الاول ومن صلى الفجر في جماعة فكأنما قام الليل كله الشرط الثاني في المتن الثاني ومن صلى العشاء والفجر في جماعة فكأنما قام الليل كله ده اختلاف هينبني عليه اختلاف في المعنى - [00:57:52](#)
طبعا زي ما عملنا في البس الاواني بس انا هأجل الكلام ده شوية ازا خلصت انا المعنى ده ولقيت فيه وقت يعني برضو ايه هعرفكم شرف علم شرف علم الحديث - [00:58:13](#)

آازاي هنرجح للفرزين؟ هل اللي يصلي الفجر بس في جماعة انما قام الليل كله ولا لازم يجيب الفجر والعشاء عشان ياخذ الليل كله كأنما قام الليل كله. لان هتفرق برضو - [00:58:28](#)

اه فكان ابن عمر اذا صلاة العشاء في جماعة كان يقوم الليل كله. رجاء ان يدرك ايه ان يدرك صلاة العشاء في جماعة صلاة العشاء وصلاة الفجر الاتنين دول على وجه الخصوص - [00:58:42](#)

شف البزار روى من طريقين عن نافع عن ابن عمر رضي الله عنهما قال كنا اذا فقدنا الرجل في الفجر والعشاء اسأنا به الظن اسأنا به الظن ليه لان هو ده كان سمى المنافقين انذاك - [00:59:03](#)

معنى ما يجيش الفجر والعشاء وماشي على كده يبقى اخذ اخذ راية النفاق وده منصوص كلام النبي صلى الله عليه وسلم كما في الصحيحين من حديث ابي هريرة قال عليه الصلاة والسلام اثقل - [00:59:31](#)

صلاتين على المنافقين الفجر والعشاء ولو يعلمون ما فيهما لاتوهما حبوا يمشي زي التعبان مش عارف يمشي يقوم على بطنه كده وعمل ايه وعمل ينزل عشان يصلي والذي نفسي بيده - [00:59:48](#)

لو ان احدهم يعلم انه يأخذ عرقا سمينا او مرامتين حسنتين لشهد العشاء. لفظ البخاري والذي نفسي بيده ده لفظ البخاري يعني شف الفضيحة والله العزيز فضيحة ليه ايه وجه الفضيحة في الكلام ده - [01:00:13](#)

قال لك لو ان هذا المنافق عرف ان في جمعية استهلاكية ملحقة بالمسجد وقلنا كده سنننا قانونا ها وقلنا ايه قلنا اي واحد هيصلي العشاء هندي له عضاية يعمل عليها شورية - [01:00:37](#)

ما هو ما هو العرق اللي هو ايه اللي هو العظم عرقا سمينا العظم انت عارف ساعات الجزار ما ما بينضفش العضم فيقوم يسبب بقايا لحم على العضم ده فكان - [01:01:04](#)

النبي عليه الصلاة والسلام مثلا لما كان بيأكل العرق يقعد ايه يمشي العضاية على سنامه. ما فيش لحمة فيوم يتتبع بقايا اللحم على هذا العظم ويأكله عليه الصلاة والسلام آا بيروح الناس الفقرا عند الجزار يقول له ادبني ماسورة - [01:01:24](#)

ماسورة يعني ايه؟ العضاية بتاع البهيمة ويكسرهما له ويروح يغليها في مائة علشان يعمل شرب فلما يكون العضاية دي عليها شوية لحمة كده خفاف يعني هو ده العرق بقى والعظم العرق السمين - [01:01:42](#)

لو ان ده هيصلي صلاة العشاء وقلنا له خلاص خد وبون اهو ورح للجمعية الاستهلاكية وقل له ان انا صليت العشاء عشان يدي لك عضاية النبي عليه الصلاة والسلام بيقول لو هؤلاء - [01:01:59](#)

يعلمون انه اذا صلى الواحد منهم صلاة العشاء في جماعة هندي له عضاية كان يبجي زي التعبان يزحف على بطنه عشان يصلي العشاء يا جماعة هي دي مش اهانة مش اهانة للبني ادم دهو - [01:02:14](#)

بقى يضحى بالحضور للعيش يا جماعة وانت عارف العيش يا جماعة ميزتها ايه هي والفجر قال صلى الله عليه وسلم كما في حديث ابي هريرة ايضا في الصحيحين يتعاقبون فيكم ملائكة - [01:02:32](#)

ملائكة الليل وملائكة النهار اللي بيسلموا لبعض يتعاقبون يلتقون في صلاة العشاء وفي صلاة الفجر فاذا سعد الذين باتوا فيكم الى ربهم تبارك وتعالى فيسأله وهو اعلم كيف تركتم عبادي؟ - [01:02:47](#)

يقولون يا رب تركناهم وهم يصلون وجئناهم وهم يصلون ده التقرير التقرير ده اللي مرفوع لملك الملوك لا يفتقدك حاضر. اسمك

مكتوب جنناهم وهم يصلون وتركناهم وهم يصلون وشف بقى موسى عليه السلام - [01:03:12](#)

لما اتى بقى بالسبعين من بني اسرائيل ورايحين لميقات الله عز وجل في طور سيناء موسى عليه السلام مد الخطى واسرع وسبق

السبعين من بني اسرائيل وصل الى مكان المناجاة قبلهم - [01:03:44](#)

فقال الله عز وجل له وما اعجلك عن قومك يا موسى سبقتهم ليه وجيت اسرع منهم؟ قال هم اولائي على اثري وعجلت اليك ربي

لترضى انا جيت بدري. جيت اول واحد عشان ترضى عني - [01:04:01](#)

فكيف يفتقدك اسمك موجود اه اتيناهم وهم يصلون وتركناهم وهم يصلون فيقوم يضحي بالمسألة ديت ويفضل انه ياخذ عضماية ما

فيش فيها لحمه وييجي زحف على بطنه عشان ياخذ العضماية - [01:04:22](#)

ولا يهمه ولا على دماغه ان اللسته دي ما يكونش اسمه فيها شفت ما انا باقول لك اهو باقول يا للعار! يا للفضيحة والذي نفسي بيده لو

ان احدهم يعلم انه يأخذ عرفا سمينا او مرماتين - [01:04:50](#)

حسنتين لشهد العشاء. المرماء كما يقول الخليل ابن احمد ما بين ظلف الدابة انت عارف ضوافر البهيمة ها النعل بتاع البهيمة الضوفر

اللي بيطلع منه الكوارع والكلام ده لو انت - [01:05:13](#)

المرماء اللي هو الكوارع اللي بين الضوافر دي بيقول ده لو هياخذ حته كوارع ولا ياخذ عضماية عايز حفزية تعبان وصلي عشان كده

ابن عمر بيقول كنا اذا افتقدنا الرجل في العشاء والفجر اسأنا به الظن. اه - [01:05:33](#)

علشان داخل مع الجماعة اياهم دول. الجماعة المنافقين دول خسارة خسارة جسيمة ان الواحد يترك صلاة العشاء وصلاة الفجر في

جماعة وهو قادر على ان يشهد صلاة الفجر وصلاة العشاء. طبعا صلاة الفجر لها فضل كبير غير ان الملائكة بتشهدها - [01:05:55](#)

حديث جندب بن عبدالله البصري وهو في صحيح مسلم قال قال رسول الله صلى الله عليه واله وسلم من صلى الصبح فهو في ذمة

الله فلا يطلبنكم الله من ذمته بشيء - [01:06:18](#)

فانه ان طلب ان طلبك اي من ذمتي بشيء ادركك ثم اكبك في نار جهنم الذمة هي الامان والضمان الامان والضمان صلي الفجر في

جماعة بتبقى في ضمان الله في امان الله - [01:06:42](#)

مممكن تحمي وتضان والكوارس تبعد عنك عشان صليت الفجر في جماعة زي ما حصل برضو حكاية رواها الامام الطبراني في المعجم

الاوسط بسند مقارب يعني مشي حالك وطبعا انا بنقبل يعني آا الحكايات اللي زي دي بمثل هذه الاسانيد - [01:07:10](#)

اه برضه بنمشيها بنمشيها ما لم يكن حديثا مرفوعا الا النبي صلى الله عليه وسلم ان وجدنا ما يشهد له خير وبركة ما وجدناش ممكن

نمشي الحكاية لكن الحديث المرفوع الى النبي صلى الله عليه وسلم لابد له من الاسناد الايه - [01:07:32](#)

الاسناد المتماسك يعني آا بيحكى الحكاية دي سالم بن عبدالله بن عمر برضو بيقول ان هو دخل مع ابيه عبدالله بن عمر رضي الله

عنهما عند الحجاج ابن يوسف الثقفي - [01:07:44](#)

وانت عارف بقى الحجاج قتال قتال قتل ما بيرحمش يدبح عدل. الحجاج ده ومشهور بقى قتل الوفا مؤلفة دخل ابن عمر طبعا

هو وسالم ابنه على الحجاج والكلام ده - [01:07:59](#)

اول ما دخلوا الحجاج نادى لمين؟ لسالم قال لي بص تعال خذ السيف ده وخذ هذا النطع اللي هو الجلد يعني وهتلاقي على

باب القصر واحد كده ادبحة تعالى - [01:08:20](#)

ادبحوا بس اوعى السجاد يتعاص دم انا مديك النطع ليه الجلد ده عشان لما تدبحة على الجلد الدم ما ايه ما يروحش للفرش سالم

واخذ السيف واخذ النطع دهو وطالع لقي الراجل - [01:08:43](#)

سالم قال له ايه؟ قال له صليت الصبح قال له اه قال له خذ اي طريق شئت. اهرب بجلدك وفك الراجل والراجل طفش ورجع سالم

معه الجلد ومعه السيف الحجاج ببسأله - [01:09:07](#)

بيقول له ها قتلته؟ قال له لا قال له ازاى ما قتلتنوش انا بديك الجلد عشان تقتله قال حدثني ابي هذا واشار الى ابيه كان قاعد في

المجلس عبدالله بن عمر - [01:09:29](#)

ان رسول الله صلى الله عليه وسلم قال من صلى الصبح فهو في ذمة الله في ضمان الله وانا ما اقدرش اتجرأ يبقى في حمي الملك ادخل انا دوغري وادبجه وادبجه - [01:09:46](#)

ده يبقى اعتداء على حمي الملك مشكلة لو عمل حاجة زي كده فانجاه الله عز وجل بصلاة الصبح في جماعة لو انجاه بصلاة الصبح من صلى الصبح فهو في ذمة الله - [01:10:04](#)

الانسان ممكن صلاة الصبح آآ الله عز وجل يقيه من المصائب والكلام مستغرب انا على النبي ادم اللي يصبح الصبح وزابط المنبه على وقت قبل الشغل بنص ساعة وقايم يجري - [01:10:22](#)

عشان يطس وشه غرفتين ميه ولا بتاع وطالع علشان يجري احسن ما يتاخذ في الشغل غياب والكلام دوت ولا همه ان هيتاخذ غياب في الصلاة ده بقى الرسول عليه الصلاة والسلام قال في في هذا الانسان - [01:10:40](#)

قال اذا نام ابن ادم عقد الشيطان او قال يعقد الشيطان على قافية رأس احدكم ثلاث عقد اذا نام ادي له على قفاه ثلاث عقد يقول له عليك ليل طويل - [01:10:57](#)

بعض العلماء قال لك ده قيام الليل وبعض العلماء قال لك ده صلاة الصبح صلاة فريضة يعني فاذا استيقظت فذكر الله محلات عقدة واذا توضأ انحلت عقدة فاذا صلى انحلت العقدة الثالثة - [01:11:17](#)

فكان نشيطا والا كان خبيث النفس كسلان كلام النبي عليه الصلاة والسلام فتخيل بني ادم بقى صبح الصبح يجري على الشغل على قفاه ثلاث عقد ولا واحدة منهم اتحلت يصبح خبيث - [01:11:40](#)

مقفولة في وشه او يكون عنده حرام يفرح به هاخذ رشوة هيزني هيقتل هيعمل اي حاجة اي مخالفة اي بتاع فرحان انه حصل المسألة دي خبيث النفس كسلان كما قال رسول الله - [01:12:03](#)

صلى الله عليه وسلم الكلام ده الكلام ده في فرائض اللي يسبب اللي يصلي الصبح يبقى له كزا. اللي يسبب العشاء يبقى عليه كزا فرائض او مال لو ساب الصلاة كلها ده جنايته جناية مصيبته سودا - [01:12:19](#)

لو ترك الصلاة كلها. يشوف في صلاة العصر مثلا النبي عليه الصلاة والسلام يقول الذي تفوته صلاة العصر فكأنما وتر اهله وماله صلاة العصر لوحدها وفي حديث بريدة عند البخاري - [01:12:34](#)

قال النبي صلى الله عليه وسلم من ترك صلاة العصر حبط عمله صلاة واحدة صلاة العصر ترك صلاة واحدة كأنما وتر اهله وماله يعني ايه انت عارف الوتر الواحد عدد الفرد واصل وتر اي قل - [01:12:56](#)

يبقى الذي يترك صلاة العصر مصيبته كمصيبة رجل ذهب الى بيته فوجد اهله جميعا مراته وابوه وامه وعياله وجدهم موتى ولقى البيت مولع مهدود والبستان بتاعه مولع ليس له مال - [01:13:19](#)

فلس وفقد كل اهله ده اللي يسبب صلاة العصر لوحدها مصيبته بمنزلة مصيبة هذا. مين اللي يتحمل المسألة دي بقى ؟ يلاقي كل املاكه نزلت يلاقي كل ولاده وكل حبايه ماتوا - [01:13:49](#)

مصيبته تبقى شكلها ايه يعني ؟ هل يعبر عنها بقلم هل يترجم عنها بلسان اهو ده اللي صام صلاة العصر احنا بقى يعني لعل البيان ده يرعب الجماعة اللي ضيعوا الصلاة - [01:14:09](#)

واللي مضيع صلاة العشاء يقوم يصلي ويتوب الى الله عز وجل توبة نصوحة. وبعدين يسأل بقى عن المصائب اللي عملها في حياته كلها اذا اراد ان يلقي الله عز وجل بوجه ابيض - [01:14:28](#)

آآ الحقيقة الكلام طويل. بس انا هقول حكايتين بمناسبة آآ الصلاة ترك صلاة العشاء في جماعة دي الحكاية الاولى عن احد الائمة الثقات من مشايخ البخاري ومسلم اسمه عبيد الله ابن عمر القواريري - [01:14:41](#)

ابن عمر بيقول ده ما تركت صلاة العشاء قط في جماعة الا مرة واحدة نزل بي اضياف قعد يخدم على الضيوف فاتت العشاء قال فالتهمت الجماعة في قبائل البصرة وكان بصريا - [01:15:09](#)

المسجد اللي جنبه فاتته صلاة العشاء قعد يلف على مساجد البصرة ما كانش بقى لا راكب بقى لا آآ زلموكا ولا راكب لي مش عارف ايه

عشان يلحق يلف. دا راكب الدابة بتاعته او ماشي على رجليه. شف بقى لما يلف على الجوامع كلها عشان لعله - [01:15:30](#)

العشاء في جماعة. لا الجوامع كلها صلت وقفلت الابواب بتاعتها رجع زعلان الف قرع خاطري حديث النبي صلى الله عليه وسلم تعدل صلاة الجماعة صلاة الفذ باحدى وعشرين وفي رواية بخمس وعشرين وفي رواية بسبع وعشرين - [01:15:46](#)

عفوا قال ببضع وعشرين مش بيحدق في بيضا وعشرين او بخمس وعشرين او بسبع وعشرين. وطبعا تعرف بضع ينزل تحت اللاتنين تانيين ان الخمسة وعشرين بضع والسبعة وعشرين بضع قال خلاص - [01:16:10](#)

لقيتها هصلي بقى طول الليل علشان اعوض الايه الاجر اللي فاتنا المهم صلى العشاء سبعة وعشرين مرة قال ثم نمت فرأى في المنام الرؤية التالية ان هو راكب فرس مع جماعة مع رفقة - [01:16:28](#)

وكله شادد شادد يعني الافراس ماشية على اخر سرعة هم سبقوه قال فجعلت اضرب فرسي للحق بهم وفرسي يتأخر عنهم فالتفت الي اخرهم اللي سابقيني يعني وقال لي لا تتعب فرسك - [01:16:53](#)

قلت له لماذا؟ قال لاننا صلينا العشاء في جماعة يعني سبعة وعشرين مرة مش محصلين انه يقف يصلي اربع ركعات في عشر دقائق صلي العشاء سبعة وعشرين مرة الحكاية الثانية حصلت لبعض اهل العلم ايضا - [01:17:12](#)

طالما تركت صلاة العشاء قط الا يوم ماتت امي فانشغلت بدفنها قال ثم رجعت برضه قرع خاطره برضه خمسة وعشرين آ الفرق بين صلاة الفرض وصلاة الجماعة خمسة وعشرين سبعة وعشرين. المهم صلى العشاء خمسة وعشرين مرة - [01:17:34](#)

قال ثم نمت فجاءني جائن وقال له نعم صليت العشاء خمسا وعشرين مرة. اه صحيح لكن من اين لك تأمين الملائكة؟ هتجيبها منين ديت ؟ النبي عليه الصلاة والسلام يقول كما في حديث ابي هريرة في الصحيحين - [01:18:00](#)

من وافق تأمينه تأمين الامام غفر له تأمين الملائكة عفو من وفى من وافق تأمينه تأمين الملائكة غفر له انت بتصلي ما انتاش عارف الملائكة بيأمنوا فوق في السما ولا لأ - [01:18:24](#)

ومش عارفين انه مسجد اللي بيقيم بسرعة ولا اللي بيقيم بعد عشر دقائق ولا اللي بيقيم بعد تلت ساعة ولا يكون بعد نص ساعة ولا يقيم بعد بعد اربع خمس ساعات احنا مش عارفين الملائكة بتأمن مع مين - [01:18:48](#)

فبقى ده فضل بقى فضل الله يؤتيه من يشاء لكن وجودك في الجماعة مظنة ان توافق تأمين الملائكة فاذا وافق تأمينك تأمين الملائكة غفر لك قال له صح انت صليت خمسة وعشرين مرة فعلا - [01:19:05](#)

ولكن من اين لك تأمين الملائكة؟ هتجيبها منين ديت ؟ فشوف يعني العلماء ناس عندهم يقظة اجتهد انه يعمل حاجة زي كده عشان يعوض الفضل الذي فات. كان ابن عمر - [01:19:25](#)

الخبر اللي احنا بدأنا به المسألة دي كان ابن عمر اذا فاتته صلاة العشاء يا جماعة قام ليله كله لعله يحرز الايه؟ يحرز الاجر عايز بقى ايه اقول لكم آآ - [01:19:39](#)

مش عارف انا يعني بلاش ان انا يعني آآ ازهقكم الحلقة ديت. وممكن آآ يعني آآ نجعل بقى البس اللي كنت عايز اقلوه في حديث عثمان رضي الله عنه آآ في اختلاف الالفاظ. من صلى العشاء في جماعة فكانما قام نصف الليل ومن صلى الفجر في جماعة. والروايتان من صلى الفجر والعشاء - [01:19:57](#)

فانا لو صليت العشاء خدت نص الليل. طب لو صليت الفجر لوحده اخذ الليل كله ولا لازم اضم العشاء للفجر عشان اخذ الليل كله؟ زي الرواية الثانية طبعا اختلاف بين اهل العلم. الاختلاف واقع في رواية سفيان الثوري لوحده - [01:20:19](#)

اللي رواه عن عثمان ابن حكيم عن عبدالرحمن ابن ابي عمرة عن عثمان اصحاب سفيان اختلفوا عليه في اللفظ ده. انما رواية عبدالواحد بزيادة عن عثمان بن حكيم لم يختلف الرواة على عبدالواحد ابن زياد. في ان اللفظ من صلى - [01:20:36](#)

العشاء في جماعة فكانما قام نصف الليل ومن صلى الفجر في جماعة فكانما قام الليل كله. فلم يقع في حديث عبد الوحي ابن زياد الفجر والعشاء مضمومين لبعض عشان تاخذ الليل كله - [01:20:51](#)

ده الكلام الاجمالي يعني اللي اقدر اقلوه في هذا الحديث. وهخلي دي مادة ان احنا ندخل بها على علم الحديث في الحلقة القادمة ان

جمعني الله عز وجل آ مرة أخرى - 01:21:03

آ الحقيقة انا يعني آ كنت عايز اتلقى يعني اتصالات بس يبدو ان الوقت آ يعني ضاق اضاقت الوقت بنا فانا هحاول يعني باقي اخونا عبد الحميد قل لي باقي خمس دقائق فقط فانا هحاول ان انا اجي اذكر اخر حكاية - 01:21:16

عن ابن عمر رضي الله آ يعني عنهما عشان بس المرة الجاية ندخل في الحديث يعني اه الحكاية دي حكاية صحيحة وقد رواها نافع وعمر بن دينار وعبد الله بن دينار. وهي موجودة في معجم الطبراني - 01:21:34

الكبير بسند صحيح من طريق عبد الله ابن دينار آ يقول آ انه كان مع عبد الله بن عمر آ في آ يمشون في الجبل فاذا راعي غنم انحدر بغمه من الجبل - 01:21:50

فقال له ابن عمر يا غلام اعطني شاة من غنمك فقال انها ليست لي انها لسيدي فقال له قل اكلها الذئب فقال له الراعي واين الله فبكى ابن عمر بكاء شديدا - 01:22:10

وجعل يردد كلمة الغلام. فاين الله؟ فاين الله ثم استدل على الغلام فذهب الى سيده فاشترى الغلام منه فاعتنقه واشترى الغنم ووهبها للغلام هو ده بقى تعظيم منزلة المراقبة منزلة المراقبة - 01:22:39

ابن عمر لما قال له اعطني شاة من غنمك ما كان ابن عمر يقبلها لو حتى الغلام ادى له فكان ابن عمر يقبلها وهو يعلم انها ليست ملكا له. لكن ساعات كده بعض اهل العلم بيمتحن الناس - 01:23:05

مممكن يمتحن الناس او يمتحن الطلبة فيقوم يقول له افعل كذا فيقوم اذا فعل الغلام يعرف ان هو اما متهاون واما انه يعني لم يفتن الى مراد الشيخ من ذاك الامتحان. زي ما بيحكوا يعني - 01:23:23

عن الامام الشافعي انه اراد ان يمتحن يعني اه تلاميذه يوما فاعطى يعني كل واحد فروجة زي ما الحكاية قرأتها لكن لم اقف على اسناد لها يعني وقال له كل واحد انا عايزك تدبح الابه الديك ده في مكان لا يراك فيه احد - 01:23:39

آ المهم اه او ان هذه الحكاية حكيت عن الشافعي. مش ان الشافعي اللي فعل لأ شيخ الشافعي اللي فعلته المهم شيخ من المشايخ يعني امتحن الطلبة بالكلام ده خد يا ابني كل واحد ياخذ له ديك ويدبحه في مكان لا يراك فيه احد. كله جاب الديوك مدبوحة ما عدا واحد فقط - 01:23:57

قال له ما دبحتش ليه؟ قال حيثما كنت في اي مكان رأيت الله يراني وقال افلحت وانجحت يا بني افلحت ونجحت. ليه؟ لان هو الذي فطن الى المعنى الذي اراده الشيخ. فشوف ابن عمر - 01:24:16

من انفعاله في جواب الغلام قال له استدل على بيته ذهب اشترى الغلام واشترى الغنم اعتق الغلام وهب له الغنم. ودي كانت الحقيقة آ يعني آ كان خلقا لابن عمر. كان اذا مر على غلمانة وكانوا آ كثيرين - 01:24:32

اذا رأى رجلا او او غلاما من الغيلمة دول او عبد من هؤلاء الالعبد حسن الصلاة عنده خشوع واقف كده بيبكي مش عارف ايه الكلام ده وكان اذا اعجبه ونحوه كان ايه يقول له انت حر لوجه الله - 01:24:54

ده كأن المسألة دي كترت قوي كل شوية الغلام يقف يسب العين لتحت ويعيط ومش عارف ايه الكلام يا ابن عمر يقول له انت حر لوجه الله فالجماعة اللي حوالين ابن عمر قالوا لسالم قالوا له يعني ابوك كده آ بيضيع ما له - 01:25:11

ما هو الهولندا بفلوس ما انت بتاخده تبيعه اذا تعزرت ولا حاجة بتاخده تبيعه في السوق وترجع بقرشين قالوا له كل شوية يقول لي يا انت حر انت حر. الفلوس هتروح - 01:25:26

ودول بيخدوه كل دول بيمسلوا عليه وبتاع والكلام ده. فقام سالم ايه؟ ناقل الكلمتين دول لاييه قال له يا ابتي انهم يخدعونك فقال له يا بني من خدعنا في الله - 01:25:36

خدعنا له اذا كان هو بيخدعني فان فان الله لا يخدع وانا معزور لو جا لي واحد وذكر لي ربي سبحانه وتعالى انا معزور ان انا اتخدع ده كلام ابن عمر. ليه؟ لشدة حبه لربه تبارك وتعالى - 01:25:53

زي ما واحد يبجي يستشفع بفلان الذي تحبه. بدون ما تستوثق من فلان مجرد ما ذكر اسمه حصل لك قلبك رفرف قلت له ده انت

جاي من عند الغالي وعلى طول تقوم وتخدمه والكلام ده وتدي له وتكتشف - [01:26:12](#)

ان الراجل ده كان خداعا ايه اللي خلاك تغتر لما ذكر حبيبك فانت معزور الحب يعمل كده عشان كده قال له يا بني من خدعنا في الله خدعنا له. ابن عمر طبعا يعني ممكن ننفق يعني عدة حلقات في ترجمة عبدالله ابن - [01:26:30](#)

عمر اه رضي الله عنه وده يعني بيظهر الفرق بين هذا الجيل الفريد الذي لم يطأ الارض بقدمين اصحاب نبي كاصحاب نبينا صلى الله عليه وسلم. وربما طبعا ابن عمر سيمر آآ بنا يعني في - [01:26:52](#)

في الاحاديث القادمة برضه له بعض احاديث ربما اذا تذكرنا شيئا فاتنا سنحاول ان ننشر بقايا المعاني على تراجم الصحابة الذين يمرون علينا في كتاب الرقاق ان شاء الله تبارك وتعالى. واعتذر يعني آآ اخواني الذين - [01:27:08](#)

آآ اذا كانوا انتزروا على الهاتف انا اعتذر اليهم آآ انني لم اتلقى الاتصالات اليوم آآ حتى انتهي من كلامنا على هذا الصحابي الجليل. والله تبارك وتعالى اسأل ان يجعل ما قلته - [01:27:25](#)

وما سمعتموه مني زادا الى حسن المصير اليه وعتادا الى يمن القدوم عليه. انه بكل جميل كفيل. وهو حسبنا ونعم الوكيل. وصلى الله وسلم وبارك على نبينا محمد الحمد لله رب العالمين - [01:27:38](#)